



MEETSE KE NGAKA YA MALWETŠI KA MOKA “ GO BOLELA BADUDI BA MATOANA LE MASHOANA” Meetse ke ngaka ya malwetši ka moka. Se se gateletšwe nakong ya moletlo wa go keteka go bulwa semmušo ga diProjeke tše pedi tša meetse kua motseng wa Madoana le Mashoana, fao badudi ba go feta 1051 ba holegilego. Meyara-phetishi wa selete Cllr Mamedupi Teffo le Meyara wa tikologo Cllr Maria Thamaga, babe ba farafarilwe ke maleloko a komiti tša meyara le babangwe ba baetapele ba mebasepala ye ka bobedi goya go bula diProjeke tše semmušo. Meyara-phetisi Cllr Mamedupi Teffo o reta tšhumišano yeo e bilego gona, magareng ga masepala wa selete le wa selegae, le ka fao borakotraka ba kgonneggo go šomišna le batšea-karolo ka moka gore diProjeke di fele ka nako yeo e beilwego. Meyara wa tikologo Cllr Maria Thamaga o reta masepala wa selete, o re ka tšhumišano le bona badudi gotšwa dikarolong tša go fapana bao ba hlokago meetse, ba tlile go holega. O re Masepala wa selete o tšwele-pele go aba meetse ka diLori go metse yeo e sa itemogelago mathata a meetse. “Re tloga re leboga masepala wa rena geo kgonne gokwa sello sa rena sa tlhaelelo ya meetse, re ba tshepiša gore re tla šireletša mafarahlahla ao ba tlišitšego fa”. Kgoshi Kgolo Malebogo yo a bego ale karolo ya baetapele ba setšhaba bao ba bego batlo hlatsela diProjeke tše, o ipiletša go badudi go šireletša le go netefatša gore mechene ya go pompa meetse gae utswiwe. Bobedi diProjeke tše tša boleng bja diranta tše dimilione tša go balelwa go masome-pedi, di hlotše mešomo ya nakwana ye masome-nne. Tšona dibe di akaretša go borwa ga melete ya meetse, go alwa ga dipiphe tša go isha meetse diTankeng tša maleke-leke tša tšhipi, le dipiphe tša go phatlalatša meetse goya diPomping.